



SIARAN MEDIA
JABATAN WILAYAH PERSEKUTUAN

**5,100 ASNAF TERIMA SUMBANGAN NUR RAMADAN WILAYAH
PERSEKUTUAN TAHUN 2026/1447H**

Jabatan Wilayah Persekutuan (JWP) dengan kerjasama Dewan Bandaraya Kuala Lumpur (DBKL), Perbadanan Putrajaya (PPj), Perbadanan Labuan (PL), dan Majlis Agama Islam Wilayah Persekutuan (MAIWP) menganjurkan Program Nur Ramadan Peringkat Wilayah Persekutuan 2026/1447H di Kuala Lumpur, Putrajaya dan Labuan bagi mengimarahkan bulan Ramadan yang penuh keberkatan.

Bagi tahun 2026, seramai 5,100 orang penerima terdiri daripada golongan asnaf dan fakir akan menerima sumbangan wang tunai sebanyak RM200.00 setiap seorang, melibatkan jumlah keseluruhan peruntukan zakat di bawah kelolaan MAIWP sebanyak RM1,020,000.00. Daripada jumlah tersebut, seramai 300 orang adalah penerima di Wilayah Persekutuan Putrajaya yang telah dikenal pasti kelayakan.

Sumbangan khas sebanyak RM5,000.00 menggunakan Peruntukan Khas Wilayah Persekutuan, JWP disumbangkan ke Surau Al Hidayah Putra Harmoni, Presint 9, Surau Al Ehsan, Presint 11, dan Surau Al-Islah Fasa 7, Presint 9. Ini sebagai tanda sokongan kepada institusi masjid dan surau di Wilayah Persekutuan Putrajaya yang terlibat secara langsung sebagai rakan strategik program Nur Ramadan Wilayah Persekutuan dalam mengimarahkan program serta pembangunan pendidikan Islam.

Pelaksanaan Program Nur Ramadan 2026 mencerminkan komitmen berterusan Kerajaan dalam menyantuni golongan memerlukan, mempraktikkan amalan bersedekah secara terus serta memperkukuh semangat kebersamaan masyarakat Wilayah Persekutuan Kuala Lumpur, Putrajaya dan Labuan.

Pada masa yang sama, turut berlangsung Festival Ramadan Putrajaya 2026 yang bertemakan "Seindah Ramadan, Harmoni Lebaran" bermula pada 18 Februari hingga 19 Mac 2026 di Presint 3, Putrajaya, menjadikannya acara signifikan bersempena kalendar Tahun Melawat Malaysia 2026, Sambutan Hari Wilayah Persekutuan dan Ulang Tahun ke-30 Perbadanan Putrajaya.

Festival ini membuka peluang ekonomi kepada peniaga kecil, menghidupkan aktiviti komuniti dan memanfaatkan ruang awam secara inklusif, selaras dengan Tahun Melawat Malaysia 2026. FRP26 turut komited menyokong agenda Putrajaya Bandar Hijau Rendah Karbon menerusi Inisiatif *Go Green* seperti amalan transaksi tanpa tunai, larangan plastik sekali guna, dan kempen mengelakkan pembaziran makanan.

Disediakan oleh:
JABATAN WILAYAH PERSEKUTUAN
23 Februari 2026

